

# საქართველოს შინაგან საქმეთა სამინისტროს საპატრულო პოლიციის დეპარტამენტი

ID ბარათების წამკითხველის შესყიდვა  
სატენდერო კომისიის სხდომის  
ოქმი №1

თბილისი

- 24 - დეკემბერი 2020 წელი

დღის წესრიგი:

1. სატენდერო პირობებისა და სახელმწიფო შესყიდვის შესახებ ხელშეკრულების პროექტის განხილვა და დამტკიცება.

სატენდერო კომისიის სხდომას ესწრებოდნენ:

|                                |   |                                                                                             |
|--------------------------------|---|---------------------------------------------------------------------------------------------|
| კომისიის თავმჯდომარე           | - | თამაზ რეხვიაშვილი                                                                           |
| კომისიის თავმჯდომარის მოადგილე | - | პაატა ხინთიბიძე                                                                             |
| კომისიის წევრები               | - | გიორგი სიყმაშვილი<br>სერგო მოდებაძე                                                         |
| კომისიის აპარატის წევრები      | - | დავით გუმბერიძე<br>დავით ზანდარაშვილი<br>ირაკლი წერეთელი<br>მიხეილ ტიშჩენკო<br>ანა ლაგაზიძე |

სატენდერო კომისიის სხდომას ვერ ესწრებოდნენ:

|                           |   |                                                         |
|---------------------------|---|---------------------------------------------------------|
| კომისიის წევრები          | - | გურამ გალოგრე<br>ნიკოლოზ რამაზაშვილი                    |
| მოწვეული კონსულტანტი      | - | ზურაბ კახნიაშვილი                                       |
| კომისიის აპარატის წევრები | - | უნა ცუცქერიძე<br>სოფიო ნატრიაშვილი<br>მანუჩარ მანჯავიძე |

სატენდერო კომისიამ მოისმინა და განიხილა:

სატენდერო კომისიის აპარატის წევრებმა მოახსენეს კომისიის წევრებს, რომ შსს საპატრულო პოლიციის დეპარტამენტს 2021 წლისთვის ესაჭიროება ID ბარათების წამკითხველის შესყიდვა, რასთან დაკავშირებითაც გააცნეს კავშირგაბმულობისა და კომპიუტერული მომსახურების განყოფილების თანამშრომლების მიერ შემუშავებული შესყიდვის ობიექტის ტექნიკური და ოპტიმალური მახასიათებლები. ამის შემდეგ სატენდერო კომისიის აპარატის წევრმა, დავით ზანდარაშვილმა განმარტა, რომ აღნიშნული შესყიდვა უნდა განხორციელდეს 2021 წლის საბიუჯეტო ასიგნებების ფარგლებში.

შემდეგ სატენდერო კომისიის აპარატის წევრებმა მოახსენეს კომისიას, რომ საქართველოს შინაგან საქმეთა მინისტრის 2015 წლის 01 ოქტომბრის №756 ბრძანებისა და საქართველოს მთავრობის №650 დადგენილების შესაბამისად, შესყიდვის პროცედურის განხორციელებაზე თანხმობის მიღების მიზნით, სატენდერო დოკუმენტაციის პროექტი გადაგზავნილ იქნა შსს ეკონომიკურ დეპარტამენტში, ამასთან, კომისიის წევრებს განსახილველად წარუდგინეს საქართველოს მთავრობის 2020 წლის 10 დეკემბრის №2431 განკარგულებით და შსს ეკონომიკური დეპარტამენტის 2020 წლის 16 დეკემბრის №2910271 სამსახურებრივი ბარათით მიღებული თანხმობა, ასევე 2020 წლის 27 ნოემბრის №2710395 სამსახურებრივი ბარათით მიღებული რეკომენდაცია.



სატენდერო კომისიამ განიხილა აღნიშნულ შესყიდვასთან დაკავშირებული საკითხები, გაითვალისწინა შსს ეკონომიკური დეპარტამენტიდან მიღებული რეკომენდაცია და შესყიდვის ობიექტის თავისებურებებიდან გამომდინარე განსაზღვრა ის სატენდერო პირობები, რომლებსაც უნდა აკმაყოფილებდეს შესყიდვის ობიექტი, პრეტენდენტი და მისი ტექნიკური დოკუმენტაცია, ამასთან, კომისიის წევრებმა განაცხადეს:

- სატენდერო დოკუმენტაციით მოთხოვნილ ტექნიკურ პარამეტრებთან შესაბამისობის დადგენის მიზნით ასევე, აუცილებელია პრეტენდენტის მიერ წარმოდგენილ იქნეს შემოთავაზებული საქონლის ნიმუში და მისი წარმოდგენის ვადად განისაზღვროს შემსყიდველის მოთხოვნიდან არაუმეტეს 2 სამუშაო დღე;
- პრეტენდენტის მიერ წარმოდგენილ უნდა იქნეს ინფორმაცია/დოკუმენტი ან/და ვებ-გვერდი მწარმოებლის ოფიციალური ვებ-გვერდიდან, სადაც მითითებული იქნება შემოთავაზებული საქონლის ტექნიკური მახასიათებლები.
- დაკორექტირდეს საქონლის მიწოდების ვადა და ნაცვლად სატენდერო დოკუმენტაციით გათვალისწინებული ვადისა – ხელშეკრულების ძალაში შესვლის დღიდან 20 კალენდარული დღე, განისაზღვროს შსს ეკონომიკური დეპარტამენტიდან მიღებული რეკომენდაციის შესაბამისად, კერძოდ: 45 კალენდარული დღით;
- შესყიდვის ობიექტის საგარანტიო ვადად განისაზღვროს არანაკლებ 1 (ერთი) წელი. საგარანტიო პერიოდში აღმოჩენილი დეფექტის აღმოფხვრა განხორციელდეს შემდეგი პირობით: შეკეთების შემთხვევაში შემსყიდველის მხრიდან შეტყობინების მიღებიდან 5 სამუშაო დღის განმავლობაში, ხოლო ასლით შეცვლის შემთხვევაში შემსყიდველის მხრიდან შეტყობინების მიღებიდან 20 კალენდარული დღის განმავლობაში.
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც განესაზღვრება არაუმეტეს 2 სამუშაო დღე. ფასწარმოქმნის ადეკვატურობის დასაბუთებლად პრეტენდენტის მიერ წარმოდგენილ უნდა იქნეს ექსპერტიზის ან/და აუდიტის მიერ გაცემული შესაბამისი დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი), რომელშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ეროვნული ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა.

ამის შემდეგ, კომისიის აპარატმა კომისიის წევრების მოსაზრებების გათვალისწინებით შეადგინა სატენდერო პირობები და სახელმწიფო შესყიდვის შესახებ ხელშეკრულების პროექტი, რომელსაც გაეცნენ სატენდერო კომისიის წევრები და მიიღეს გადაწყვეტილება.

სატენდერო კომისიამ დაადგინა:

1. დამტკიცდეს სატენდერო პირობები და სახელმწიფო შესყიდვის შესახებ ხელშეკრულების პროექტი.
2. დაევალოს სატენდერო კომისიის აპარატს, კანონის მოთხოვნების შესაბამისად უზრუნველყოს ერთიან ელექტრონულ სისტემაში აუქციონის გარეშე ელექტრონული

ტენდერის (NAT) ნატარების შესახებ განცხადების გამოქვეყნება, სატენდერო დოკუმენტაციის ელექტრონული შევსება და სახელმწიფო შესყიდვების შესახებ ხელშეკრულების პროექტის განთავსება.

3. სატენდერო კომისიის მიერ დამტკიცებული სატენდერო პირობებისა და სახელმწიფო შესყიდვის შესახებ ხელშეკრულების პროექტის შესაბამისად ID ბარათების წამკითხველის შესყიდვის მიზნით გამოცხადდეს აუქციონის გარეშე ელექტრონული ტენდერი (NAT).
4. დავევალის სატენდერო კომისიის აპარატს უზრუნველყოს სატენდერო კომისიის სხდომის ოქმი №1-ისა და სატენდერო კომისიის მიერ დამტკიცებული სატენდერო მასალის ატვირთვა ერთიან ელექტრონულ სისტემაში.

კომისიის თავმჯდომარე:

თამაზ რეხვიაშვილი



კომისიის თავმჯდომარის მოადგილე:

პაატა ხინთიბიძე



კომისიის წევრები:

გიორგი სიემაშვილი



სერგო მოდებაძე




კომისიის აპარატის წევრები:

დავით გუმბერიძე



დავით ზანდარაშვილი



ირაკლი წერეთელი



მიხეილ ტიშჩენკო



ანა ლაგაზიძე





შესყიდვა დასრულებდა ძირითად დროში. დამატებითი რაუნდები არ გაიმართება

|                    |                                                                                                                       |                  |
|--------------------|-----------------------------------------------------------------------------------------------------------------------|------------------|
| შესყიდვის ტიპი     | ელექტრონული ტენდერი აუქციონის გარეშე(NAT)                                                                             | დამატე რჩეულებში |
| განცხადების ნომერი | N/A                                                                                                                   |                  |
| შესყიდვის სტატუსი  |  განცხადების პროექტი                 |                  |
| შემსყიდველი        |  შსს საპატრულო პოლიციის დეპარტამენტი |                  |

შესყიდვის გამოცხადების თარიღი

წინადადებების მიღება იწყება 28.12.2020 00:00

წინადადებების მიღება მთავრდება 31.12.2020 12:00

დაფინანსება 2021 წლის სახსრები

შესყიდვის სავარაუდო ღირებულება 10`500.00 GEL

წინადადება წარმოდგენილი უნდა იყოს დღგ-ს გათვალისწინებით

კლასიფიკატორის (CPV) კოდი და კლასიფიკატორის დანაყოფი

- 30200000 - კომპიუტერული მოწყობილობები და აქსესუარები

კლასიფიკატორის (CPV) კოდი და შესყიდვის კონკრეტული ობიექტი

- 30233000 - ინფორმაციის შემნახველი და წამკითხველი საშუალებები

|                                 |                                                                                    |
|---------------------------------|------------------------------------------------------------------------------------|
| შესყიდვის რაოდენობა ან მოცულობა | 50 ცალი                                                                            |
| მოწოდების ვადა                  | ხელშეკრულების ძალაში შესვლის დღიდან 45 (ორმოცდახუთი) კალენდარული დღის განმავლობაში |
| შეთავაზების ფასის კლების ბიჯი   | 42.00 GEL                                                                          |
| გარანტიის ოდენობა               | 105 GEL                                                                            |
| გარანტიის მოქმედების ვადა       | 160 დღე                                                                            |
| დამატებითი ინფორმაცია           |                                                                                    |

ID ბარათების წამკითხველი



შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

ID ბარათების წამკითხველი

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

მიღებული ფაილის სახით იხილეთ ტექნიკური დავალება

 [ტექნიკური დავალება.pdf](#) ☐

☐ 1.3 ატვირთეთ ფასების ცხრილი/ხარჯთაღრიცხვა

  [ფასების ცხრილი.pdf](#) ☐

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

საქონლის მიწოდების ვადა: ხელშეკრულების ძალაში შესვლის დღიდან 45 (ორმოცდახუთი) კალენდარული დღის განმავლობაში.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

საქონლის მიწოდების ადგილი: ქ. თბილისი, ქიზიყის ქ. N5 - შსს საპატრულო პოლიციის დეპარტამენტის საწყობი

☐ 1.7 მოითხოვება თუ არა ინფორმაცია საგარანტიო ვადის შესახებ?

კი

☐ ☐ 1.7.1 მიუთითეთ საგარანტიო ვადასთან დაკავშირებული მოთხოვნები

- შემოთავაზებული საქონლის საგარანტიო ვადა შეადგენს არანაკლებ 1 (ერთი) წელს, მიუხედავად ხელშეკრულების მოქმედების ვადისა.

- საგარანტიო პირობები: საგარანტიო პერიოდში გამოვლენილი დეფექტის აღმოფხვრა უნდა განხორციელდეს შეკეთების ან ახლით შეცვლის პირობით;

- დეფექტის აღმოფხვრის ოპერატიულობა: შეკეთების შემთხვევაში შემსყიდველის მხრიდან შეტყობინების მიღებიდან 5 (ხუთი) სამუშაო დღის განმავლობაში, ხოლო შეცვლის შემთხვევაში შემსყიდველის მხრიდან შეტყობინების მიღებიდან 20 (ოცი) კალენდარული დღის განმავლობაში.

ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

1.3. პუნქტით გათვალისწინებული ფასების ცხრილში მითითებულ უნდა იქნეს ინფორმაცია შემოთავაზებული საქონლის წარმოშობის ქვეყნის, მწარმოებლის და მოდელის შესახებ.

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

კი

☐ ☐ 2.7.1 მიუთითეთ ლიცენზიასთან, სტანდარტებთან, აკრედიტაციასთან, ხარისხის შესაბამისობასთან და სხვ. დოკუმენტებთან დაკავშირებული მოთხოვნები

- პრეტენდენტის მიერ წარმოდგენილ უნდა იქნეს ინფორმაცია/დოკუმენტი ან/და ვებ-ბმული მწარმოებლის ოფიციალური ვებ-გვერდიდან, სადაც მითითებული იქნება შემოთავაზებული საქონლის ტექნიკური მახასიათებლები.

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის სავალდებულო)

დამატებითი მოთხოვნები:

1. შემოთავაზებული საქონლის ფასი უნდა შეიცავდეს მიმწოდებლის ყველა ხარჯს, მათ შორის ტრანსპორტირების ხარჯსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან.



2. შემოთავაზებული საქონლის საერთო და ერთეულის ფასების წარმოდგენა დასაშვებია მხოლოდ ლარში.

3. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია ერთეულის ღირებულება შეამციროს და დაამრგვალოს მეასედებამდე, შესაბამისად შეამციროს საერთო ღირებულებაც.

4. პრეტენდენტის მიერ შემოთავაზებული საქონლის კონკრეტული დასახელება, საქონლის ტექნიკური მახასიათებლები, წარმოშობის ქვეყანა/მწარმოებელი/მოდელი, ერთეულის ფასი და საერთო ფასი, ინფორმაცია შემოთავაზებული საქონლის მიწოდების ვადებისა და პირობების შესახებ, ასევე ინფორმაცია შემოთავაზებული საქონლის საგარანტიო ვადის შესახებ მითითებულ უნდა იქნეს სატენდერო პირობების 1.3 პუნქტით გათვალისწინებულ დანართ №1-ში ამავე დანართით გათვალისწინებული პირობების შესაბამისად (დანართი №1 ატვირთულ უნდა იქნეს ერთიან ელექტრონულ სისტემაში).

5. შემოთავაზებული საქონლის შესაბამისობა სატენდერო დოკუმენტაციით განსაზღვრულ ტექნიკურ მახასიათებლებთან უნდა დასტურდებოდეს პრეტენდენტის მიერ წარმოდგენილი ნიმუშით ან/და სატენდერო დოკუმენტაციის 2.7.1. პუნქტის შესაბამისად წარმოდგენილი ინფორმაციით/დოკუმენტით ან/და ვებ-გვერდით მწარმოებლის ოფიციალური ვებ-გვერდიდან.

6. „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე პრეტენდენტები ვალდებული არიან სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამით (იხ. ინსტრუქცია შემდეგ ბმულზე: ([http://procurement.gov.ge/getattachment/News/news-\(50\)/eSignature\\_25-Dec-18.pdf.aspx](http://procurement.gov.ge/getattachment/News/news-(50)/eSignature_25-Dec-18.pdf.aspx)).

თუ აღნიშნული ვალდებულება დროებით/მუდმივად შეჩერებულ/გაუქმებულ იქნა სხვა ნორმატიული აქტით, პრეტენდენტი თავისუფლდება მოცემული პირობისგან. ასეთ შემთხვევაში დოკუმენტზე შესრულებულ უნდა იქნეს ხელმძღვანელის ან სხვა უფლებამოსილი პირის მიერ სველი ხელმოწერა (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში, ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი).

7. შემსყიდველის მიერ მოთხოვნილი ყველა დოკუმენტი ან/და ინფორმაცია პრეტენდენტის მიერ ატვირთულ უნდა იქნეს ერთიან ელექტრონულ სისტემაში; დოკუმენტის უცხოურ ენაზე წარდგენის შემთხვევაში, მას უნდა დაერთოს საქართველოს მოქმედი კანონმდებლობის შესაბამისად დამოწმებული თარგმანი ქართულ ენაზე.

8. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი უნდა იყოს ხელმძღვანელის ან უფლებამოსილი პირის მიერ (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი).

9. შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და საქართველოს მოქმედი კანონმდებლობის შესაბამისად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში.

10. პრეტენდენტს არ აქვს უფლება წარმოადგინოს ალტერნატიული წინადადება.

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

კი

☐ 3.1.1 მიუთითეთ ნიმუშთან ან/და ექსპერტიზის დასკვნასთან დაკავშირებული მოთხოვნები

- პრეტენდენტის მიერ წარმოდგენილ უნდა იქნეს შემოთავაზებული საქონლის ნიმუში;

- შემოთავაზებული საქონლის ნიმუში უნდა შეესაბამებოდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში ასახულ მოთხოვნებსა და პრეტენდენტის მიერ ერთიან ელექტრონულ სისტემაში ატვირთულ ფასების ცხრილში განსაზღვრულ მოთხოვნებს.

- შემოთავაზებული საქონლის ნიმუში დაზუსტებას არ ექვემდებარება.

- ტენდერში მონაწილე „დისკვალიფიცირებულ“ პრეტენდენტს ნიმუშის დაბრუნების მოთხოვნა შეუძლია წინამდებარე ტენდერის საფუძველზე ხელშეკრულების გაფორმების შემდეგ 30 დღის განმავლობაში, ხოლო „გამარჯვებულ“ პრეტენდენტს საქონლის სრულად მიწოდების შემდეგ 30 დღის განმავლობაში. აღნიშნული ვადის გასვლის შემდეგ, შემსყიდველი ორგანიზაცია იხსნის ყოველგვარ პასუხისმგებლობას პრეტენდენტ(ებ)ის მიერ წარმოდგენილი ნიმუშის დაბრუნებაზე.

☐ 3.1.2 მიუთითეთ ნიმუშის ან/და ექსპერტიზის დასკვნის წარმოდგენის ვადა

მოთხოვნიდან 2 სამუშაო დღის ვადაში

☐ 3.1.3 მიუთითეთ ნიმუშის ან/და ექსპერტიზის დასკვნის წარმოდგენის ადგილი

თბილისი, ნოე რამიშვილის ქ. N38, საქართველოს შსს საპატრულო პოლიციის დეპარტამენტის ადმინისტრაციული შენობა.

#### ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

4.1.1.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნეს ექსპერტიზის ან/და აუდიტის მიერ გაცემული შესაბამისი დასკვნა, რომელშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი.

4.1.1.2 ექსპერტიზის დასკვნის წარმოდგენილობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-18 მუხლის მე-6, მე-7 პუნქტებისა და 28-ე მუხლის პირველი, მე-2, მე-3, მე-5, მე-6 და მე-7 პუნქტებით განსაზღვრული წესები.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 2 სამუშაო დღის ვადაში

▼ **სარეგისტრაციო/უფლებრივი მონაცემების ამსახველი დოკუმენტ(ებ)ი**

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ **ხელშეკრულების შესრულების უზრუნველყოფის გარანტია**

☐ 6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

▼ **ანგარიშსწორების პირობები**

☐ 7.1 გამოიყენება თუ არა წინასწარი ანგარიშსწორება?

არა

☐ 7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

- ანგარიშსწორება განხორციელდება ფაქტობრივად მოწოდებული შესყიდვის ობიექტის მიხედვით.

- ანგარიშსწორების ვალუტა - ლარი.

- გადახდის ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები(სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება ფაქტობრივად მიწოდებული საქონლის მიხედვით, შესაბამისი „მიღება-ჩაბარების“ აქტ(ებ)ის გაფორმებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.

▼ **ხელშეკრულების პროექტი**

☐ 8.1 ატვირთეთ ხელშეკრულების პროექტი



ხელშეკრულების პროექტი.pdf



▼ **საკონტაქტო პირის შესახებ ინფორმაცია**

☐

9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

სოფიო ნატრიაშვილი, 577773989, natriashvili@mia.gov.ge

▼ დამატებითი ინფორმაცია/დოკუმენტები

☐☐

10.1 დამატებითი ინფორმაცია/დოკუმენტები (ველის შევსება არ არის სავალდებულო)

დამატებითი ინფორმაცია:

- ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობების შესახებ დამატებითი ინფორმაციისა და განმარტებების მოთხოვნა შესაძლებელია სისტემის შესაბამისი მოდულის მეშვეობით ან/და სატენდერო კომისიის აპარატის იმ წევრისგან, რომლის საკონტაქტო ინფორმაციაც მითითებულია სატენდერო დოკუმენტაციის 9.1 პუნქტის ველში;
- შემსყიდველ ორგანიზაციასა და პრეტენდენტს შორის ნებისმიერი მიმოწერა მიმდინარეობს სისტემის შესაბამისი მოდულის მეშვეობით და სისტემის გამოყენების გარეშე მიმოწერა სავალდებულო არ არის. შეტყობინება ოფიციალურად მიღებულად ჩაითვლება მისი სისტემაში ატვირთვის მომენტიდან;
- ელექტრონულად შევსებული სატენდერო დოკუმენტაციის პირობების ველებსა და ატვირთულ დოკუმენტებს შორის წინააღმდეგობის არსებობის შემთხვევაში უპირატესობა ენიჭება სატენდერო დოკუმენტაციის ველებს.

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐

11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი



მთავრობის განკარგულება 2431.pdf

☐



## ტექნიკური დავალება

| № | შესყიდვის<br>ობიექტი      | ტექნიკური მახასიათებლები                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  | განზ. ერთ | რ-ობა |
|---|---------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------|-------|
| 1 | ID ბარათის<br>წამკითხველი | <p>- წამკითხველს უნდა გააჩნდეს სრული სერტიფიცირება ID ბარათის დაცული ავტენტიფიკაციისთვის.</p> <p>- სრულად უნდა იყოს თავსებადი პირადობის ელექტრონული მოწმობის პროგრამასთან.</p> <p>- სრულად უნდა იყოს თავსებადი ქართულ ID ბარათთან.</p> <p>- წამკითხველს უნდა გააჩნდეს ღილაკები პინის შესაყვანად (10 ღილაკი ციფრებისთვის და ფუნქციონალური ღილაკები მინიმუმ პინ კოდის დადასტურებისთვის / წაშლის / უარყოფისთვის. ასევე ხმოვანი და ლედ ინდიკატორები სტატუსის განსაზღვრისთვის (ჩართვა / ბარათის ჩადება / პინის დადასტურება);</p> <p>- კომპიუტერთან კავშირის ინტერფეისი - USB 2.0 CCID (კვება USB-ს საშუალებით);</p> <p>- კომუნიკაციის სიჩქარე 12 Mbps (USB 2.0 full speed)</p> <p>სტანდარტები: ISO/IEC 7816 Part 1 to 4; ბარათის ზომა ID-1</p> <p>- წამკითხველს უნდა გააჩნდეს T=0 და T=1 პროტოკოლების მხარდაჭერა თავსებადი უნდა იყოს ბარათებთან: 5V, 3V and 1.8V, ISO/IEC 7816 Class A/B/C;</p> <p>- წამკითხველს უნდა გააჩნდეს მოკლე ჩართვისგან დაცვა ყველა კონტაქტისათვის;</p> <p>- წამკითხველი გათვლილი უნდა იყოს ბარათის ჩადება-ამოღების არანაკლებ 200000 ციკლზე;</p> <p>ოპერაციული სისტემა:<br/>Windows® XP/Vista/7/8/10 (32 / 64 bit) / Windows® Server 2008/2012/2016;<br/>MacOS 10.10.x - 10.15.x; Linux 2.4.x, 2.6.x, 3.x, 4.x, 5.x (32 / 64 bit); Android 4.0 and higher</p> <p>- თითოეულ მხარდაჭერილ ოპერაციულ სისტემაში (იხ. პირველი პუნქტი) უნდა გააჩნდეს PC/SC ინტერფეისის მხარდაჭერა;</p> <p>-უნდა გააჩნდეს Windows® Plug-and-Play დრაივერის მხარდაჭერა;</p> <p>-უნდა აკმაყოფილებდეს შემდეგ სტანდარტებს / რეგულაციებს:<br/>EMV 2011 Ver 4.3 Level 1, ISO/IEC 7816, USB 2.0 Full Speed, CCID, Microsoft® WHQL CE, FCC, UL 60950, RoHS, REACH, WEEE</p> <p><b>„ჭკვიანი“ ბარათების მხარდაჭერა:</b></p> <p>1. წამკითხველი თავსებადი უნდა იყოს „ჭკვიანი ბარათებთან“ (Smart Card):</p> <p>1.1. პირადობის (ბინადრობის) ელექტრონულ მოწმობა;</p> <p>1.2. კვალიფიციური ელექტრონული შტამპის შექმნის საშუალება რომელიც გაიცემა საქართველოს იუსტიციის მინისტრის 2018 წლის 29 ივნისის N315 ბრძანებით დამტკიცებული წესით;</p> <p>2. ორივე ბარათისათვის უნდა გააჩნდეს როგორც ავტენტიფიკაციის, ისე კვალიფიციური ელექტრონული ხელმოწერის/კვალიფიციური ელექტრონული შტამპის ფუნქციის, მათ შორის პირადობის (ბინადრობის) ელექტრონულ მოწმობაზე სერტიფიკატების განახლების მხარდაჭერა.</p> | ცალი      | 50    |

**ფასების ცხრილი**  
**დანართი №1**

| № | შესყიდვის ობიექტი         | ტექნიკური<br>მახასიათებლები | მწარმოებელი<br>ქვეყანა/<br>მწარმოებელი/<br>მოდელი | განზ.<br>ერთ | რ-ობა | ერთ.<br>ფასი | საერთო<br>ფასი | მიწოდების ვადა                                                                                       | მიწოდების<br>ადგილი                                                                       | საგარანტიო<br>ვადა |
|---|---------------------------|-----------------------------|---------------------------------------------------|--------------|-------|--------------|----------------|------------------------------------------------------------------------------------------------------|-------------------------------------------------------------------------------------------|--------------------|
| 1 | 2                         | 3                           | 4                                                 | 5            | 6     | 7            | 8              | 9                                                                                                    | 10                                                                                        | 11                 |
| 1 | ID ბარათის<br>წამკითხველი |                             |                                                   | ცალი         | 50    |              |                | ხელშეკრულების<br>ძალაში შესვლის<br>დღიდან 45<br>(ორმოცდახუთი)<br>კალენდარული<br>დღის<br>განმავლობაში | შსს<br>საპატრულო<br>პოლიციის<br>დეპარტამენტის<br>საწყობი, ქ.<br>თბილისი,<br>ქიზიყის ქ. №5 | 1 (ერთი) წელი      |

**შენიშვნა:**

- მე-3, მე-4, მე-7 და მე-8 გრაფები ივსება პრეტენდენტის მიერ;
- მე-3 გრაფაში მითითებულ უნდა იქნეს შემოთავაზებული საქონლის დეტალურად გაშიფრული ტექნიკური მახასიათებლები;
- მე-4 გრაფაში მითითებულ უნდა იქნეს ინფორმაცია შემოთავაზებული საქონლის მწარმოებელი ქვეყნის, მწარმოებლისა და მოდელის შესახებ.
- მე-11 გრაფაში მითითებული საგარანტიო ვადის პრეტენდენტის მიერ გაზრდის შემთხვევაში შესაძლებელია მისი შეცვლა.

პრეტენდენტის ხელმოწერა \_\_\_\_\_

ბ.ა

/ /

ხელმოწერის სახელი, გვარი

## სახელმწიფო შესყიდვების შესახებ ხელშეკრულების პროექტი

ხელშეკრულება შედგენილია თბილისში 2021 წლის -----, ძალაში შედის მხარეთა უფლებამოსილი წარმომადგენლების მხრიდან მისი კვალიფიციური ელექტრონული ხელმოწერის/კვალიფიციური ელექტრონული შტამპით დამოწმების დღიდან და მოქმედებს 2021 წლის 31 დეკემბრის ჩათვლით.

წინამდებარე ხელშეკრულება გაფორმებულია NAT \_\_\_\_\_ აუქციონის გარეშე ელექტრონული ტენდერის საფუძველზე.

### 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი ორგანიზაცია“ (შემდგომ „მიმწოდებელი“) ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

### 2. ხელშეკრულების დამდები მხარეები:

**შემსყიდველი:** შსს საპატრულო პოლიციის დეპარტამენტი ს/კ 205041177, საფინანსო-სამეურნეო უზრუნველყოფის სამმართველოს უფროსის მოვალეობის შემსრულებელი პაატა ხინთიბიძის სახით.

მისამართი: თბილისი, ნოე რამიშვილის ქ. №38. ტელ: 241 87 13;

საბანკო რეკვიზიტები: ა/ა GE24NB0330100200165022, „საქართველოს სახ. ხაზინა“, კოდი TRESGE22.

**მიმწოდებელი:** „-----“; ს/კ -----; ხელმძღვანელი: -----;

მისამართი: -----, ტელ: -----, ელ. ფოსტა: -----;

საბანკო რეკვიზიტები: სს „-----“, კოდი: -----, ა/ა -----.

### 3. ხელშეკრულების საგანი

3.1. ხელშეკრულების საგანს წარმოადგენს:

#### ID ბარათების წამკითხველი (CPV – 30233000)

(საქონლის მოკლე აღწერა)

- 3.2. საქონლის კონკრეტული დასახელება, ტექნიკური მახასიათებლები, მწარმოებელი ქვეყანა და რაოდენობა მოცემულია დანართ №1-ში.
- 3.3. 3.1 პუნქტით გათვალისწინებული საქონელი უნდა აკმაყოფილებდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობებსა და ხელშეკრულების პირობებს, ასევე, შესაბამისობაში უნდა იყოს ტექნიკურ დავალებასა და ფასების ცხრილში (დანართი №1) მოყვანილ ტექნიკურ მახასიათებლებთან, ამასთან აღნიშნულ შესყიდვასთან დაკავშირებით მიმწოდებლის მიერ წარმოდგენილ ნიმუშთან.
- 3.4. მიმწოდებელი ვალდებულია მიაწოდოს „შემსყიდველს“ ხელშეკრულების 3.1. პუნქტით გათვალისწინებული საქონელი ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და ხელშეკრულების პირობების, ასევე ფასების ცხრილით განსაზღვრული პირობების შესაბამისად.

### 4. ხელშეკრულების ფასი

4.1. ხელშეკრულების ფასი შეადგენს:

(თანხა ციფრებით და სიტყვიერად)

- 4.2. მოსაწოდებელი საქონლის ერთეულის ფასი და საერთო ფასი მოყვანილია დანართ №1-ში.
- 4.3. საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯს, მათ შორის ტრანსპორტირებისა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და „შემსყიდველის“ საკუთრებაში გადაცემასთან დანართ №1-ში მითითებულ მისამართზე.
- 4.4. „შემსყიდველი“ იღებს ვალდებულებას აუნაზღაუროს „მიმწოდებელს“ ხელშეკრულების ფასი ხელშეკრულებით განსაზღვრულ ვადებში და ფორმით.
- 4.5. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 4.6. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს თავდაპირველად დადებული ხელშეკრულების ღირებულების 10%-ს.

### 5. ხარისხი

- 5.1. მიწოდებულ საქონელზე საგარანტიო ვადის ათვლა იწყება საქონლის მიწოდების დღიდან და მიუხედავად ხელშეკრულების მოქმედების ვადისა მოქმედებს დანართი №1-ში მითითებული ვადის შესაბამისად.
- 5.2. „მიმწოდებელი“ იძლევა გარანტიას, რომ მის მიერ მიწოდებული საქონელი არ იქნება ექსპლუატაციაში ნამყოფი, იქნება ქარხნული წარმოების, ქარხნული შეფუთვით, არ

იქნება დაზიანებული, არ გამოავლენს ხარვეზებს და იქნება მოხმარებისთვის ვარგისი, ამასთან, სრულ შესაბამისობაში მოვა 3.3 პუნქტით გათვალისწინებულ მოთხოვნებთან და აღნიშნულ შესყიდვასთან დაკავშირებით მიმწოდებლის მიერ წარმოდგენილ ნიმუშთან, წინააღმდეგ შემთხვევაში, იგი ვალდებულია საკუთარი სახსრებით თავად უზრუნველყოს საგარანტიო პერიოდში აღმოჩენილი ზიანის აღმოფხვრა - შეკეთების შემთხვევაში: შეტყობინების მიღებიდან **5 (ხუთი) სამუშაო დღის** განმავლობაში, ხოლო უვარგისი ან/და წუნდებული საქონლის ახლით შეცვლის შემთხვევაში: შეტყობინების მიღებიდან **20 (ოცი) კალენდარული დღის** ვადაში.

## 6. მიწოდების წესი

- 6.1. საქონლის მიწოდებასა უზრუნველყოფს „მიმწოდებელი“ საკუთარი ხარჯებით, ხელშეკრულების გაფორმების შემდეგ დანართ №1-ში მითითებული ვადებისა და პირობების შესაბამისად.
- 6.2. „მიმწოდებელი“ ვალდებულია საქონლის მიწოდებისას უზრუნველყოს საქართველოს კანონმდებლობით გათვალისწინებული თანმხლები დოკუმენტაციის სრულად წარმოდგენა.
- 6.3. „მიმწოდებლის“ მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე „შემსყიდველის“ მხრიდან ინსპექტირებას განახორციელებს შსს საპატრულო პოლიციის დეპარტამენტის საფინანსო-სამეურნეო უზრუნველყოფის სამმართველოს **კავშირგაბმულობისა და კომპიუტერული მომსახურების განყოფილება**, რომელიც უფლებამოსილია კონტროლი განახორციელოს, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში, ხოლო მიმწოდებელი ვალდებულია ხელი შეუწყოს მას ინსპექტირების ჩატარებისას და მიაწოდოს ყველა საჭირო დოკუმენტი შემსყიდველის მოთხოვნათა შესაბამისად. ამასთან, საქონლის მიღებას განახორციელებს ამავე სამმართველოს **სამეურნეო უზრუნველყოფის განყოფილება**.
- 6.4. „შემსყიდველი“ უფლებამოსილია, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში განაცხადოს უარი დაგვიანებით მიწოდებული, ან უხარისხო (წუნდებული), ან არასრული თანმხლები დოკუმენტაციის მქონე საქონლის პარტიის მიღებაზე.
- 6.5. საქონლის გადაცემა დასტურდება ორივე მხარის მიერ მიღება-ჩაბარების აქტზე ხელის მოწერით.
- 6.6. „მიმწოდებელი“ ვალდებულია გადასცეს „შემსყიდველს“ უფლებრივად და ნივთობრივად უნაკლო საქონელი.

## 7. ანგარიშსწორების წესი

- 7.1. ანგარიშსწორება მიმწოდებელთან განხორციელდება ფაქტობრივად მოწოდებული შესყიდვის ობიექტის მიხედვით, საქონლის მიწოდების შემდეგ შესაბამისი მიღება-ჩაბარების აქტ(ებ)ისა და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან **10 (ათი) სამუშაო დღის განმავლობაში**.
- 7.2. ანგარიშსწორების ვალუტა - ლარი.
- 7.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 7.4. 7.1 პუნქტის შესრულებისათვის, წარმოდგენილი დოკუმენტაციის სისრულეზე და რეალობაზე პასუხისმგებელია 6.3 პუნქტში მითითებული განყოფილებები.



## 8. მხარეთა პასუხისმგებლობა

- 8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.
- 8.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა ვადების დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.
- 8.3. ხელშეკრულებით ნაკისრი ვალდებულებების შესრულების (საქონლის მიწოდების ვადა) ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით.
- 8.4. ხელშეკრულებით ნაკისრი ვალდებულებების, კერძოდ, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით.
- 8.5. მიმწოდებლის მიზეზით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით (იმ შემთხვევაში, თუ მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10%-ის ოდენობით).
- 8.6. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ხელშეკრულების მე-2 პუნქტში მითითებულ ელექტონულ ფოსტაზე შეტყობინების გადაგზავნიდან არაუგვიანეს 1 (ერთი) თვის ვადაში. აღნიშნულ ვადაში ჯარიმის გადაუხდელობის შემთხვევაში შემსყიდველი უფლებამოსილია მიმართოს კანონით გათვალისწინებულ ღონისძიებებს.

## 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში – ხელშეკრულების შესრულების უზრუნველყოფის გარანტიის დაუბრუნებლობას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

- 9.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

## 10. სხვა პირობები

- 10.1. მხარეთა შორის სადავო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.
- 10.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 10.3. შემსყიდველი უფლებამოსილია ცალმხრივად შეწყვიტოს აღნიშნული ხელშეკრულება თუ:
- ა) გარდა საქონლის მიწოდების ვადების ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისა, მიმწოდებლის მხრიდან დაფიქსირდება ხელშეკრულების სხვა ნებისმიერი პირობის დარღვევის 5 ან მეტი ფაქტი;
  - ბ) მიმწოდებლის მიერ საქონლის მიწოდების ვადის ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისთვის დაკისრებული პირგასამტეხლობის ჯამური ოდენობა მიაღწევს 5%-ს;
  - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულებების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.
- 10.4. თუ რომელიმე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას, ან არაჯეროვნად ასრულებს მათ, მეორე მხარე უფლებამოსილია მოშალოს ეს ხელშეკრულება ცალმხრივად, რაზედაც მხარემ უნდა შეატყობინოს მეორე მხარეს **10 დღით ადრე**.
- 10.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 10.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 10.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

შემსყიდველის მხრიდან:

---

მიმწოდებლის მხრიდან:

---